

# Jäkle-Lied

(von Willi Kühne)

Mir send dia Jäkles Kropfer,  
Ond mir hond dicke Häls.  
Des hot der böse Jäkle,  
verweischt ais als sei Erb.

Der Jäkle eiser Vorbild,  
hot glebt vor langer Zeit.  
Des war an übler Kobold,  
gefürchtet weit und breit.

Wo der isch domols g'storba,  
hot goaschtert er ond g'spuckt.  
Hot aus am Feaschter gugget,  
als man den Sarg trug fort.

Drom hond'se dean begraba,  
Im tiafschta Wald bei Nacht.  
Ond uff deam ganza Weag na,  
hot's ständig g'spukt ond kracht.

Do donna hot er goaschtert,  
ond g'spukt dia ganze Zeit.  
Jetzt hond ean d'Jäkles Kropfer,  
vom bösen Geist befreit.

Jetzt spukt er ständig weiter,  
en deane Narra Köpf.  
Ond jährlich grad zur Fasnet  
Do pflaaget dia au ihre Kröpf.

Drom auf ihr Jäkles Kropfer,  
des isch doch sonna'klar.  
Dia ganzen Pflegemittel,  
geit's nau en's Jäkles Bar.